



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2023 оны 03 сарын 31 өдөр

Дугаар А/А/1

Номгон

「 Шүүр ажиллагааны хэрэгжилтийг хангаж
ажиллах ажлын хэсгийг томилох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, Засгийн газрын 2023 оны 48 дугаар тогтоолоор батлагдсан "Авлигатай тэмцэх таван үйл ажиллагаа"-ны 2 дахь заалтыг үндэслэн ЗАХИРАМЖЛАХ нь:

1. Авлигатай тэмцэх "Шүүр" ажиллагааг зохион байгуулах ажлын хэсгийг дараах бүрэлдэхүүнтэй байгуулсугай.

Ажлын хэсгийн ахлагч

Д.Энхжаргал -Аймгийн Засаг даргын Тамгын газрын дарга

Гишүүд:

П.Отгонбаяр-Төрийн захиргааны удирдлагын хэлтсийн дарга

Д.Сарангарав-Хууль, эрх зүйн хэлтсийн дарга

Д.Отгонтөгс-Хууль, эрх зүйн хэлтсийн ахлах мэргэжилтэн


Нарийн бичгийн дарга: Д.Отгонжаргал-Төрийн захиргааны удирдлагын хэлтсийн хүний нөөц хариуцсан мэргэжилтэн

2. Үйл ажиллагааны удирдамжийг хавсралтаар баталсугай.

3. Удирдамжийн дагуу холбогдох ажил, арга хэмжээг зохион байгуулан 2023 оны 04 дүгээр сарын 05-ны дотор танилцуулж, Засгийн газрын Хэрэг эрхлэх газарт хүргүүлэн ажиллахыг ажлын хэсгийн ахлагч аймгийн Засаг даргын Тамгын газрын дарга Д.Энхжаргал-д үүрэг болгосугай.

4. Захирамжийн хэрэгжилтэд хяналт тавьж ажиллахыг аймгийн Засаг даргын орлогч Б.Батсуурь-д даалгасугай.

ДАРГА



Д.МӨНХСАЙХАН

642310437

Аймгийн Засаг даргын 2023 оны 03 дугаар сарын 31 ний өдрийн 117 дүгээр захирамжийн хавсралт



**БАЯНХОНГОР АЙМГИЙН ЗАСАГ ДАРГЫН
ТАМГЫН ГАЗАР**

УДИРДАМЖ

2023 оны 03 дугаар сарын 29

Номгон

**Шүүр ажиллагааны хэрэгжилтийг
хангах тухай**

Зорилго: Авлигатай тэмцэх "Шүүр" ажиллагааны хүрээнд "нийтийн албанд танилын хүрээ, зүй бус нөлөөллөөр хуульд заасан шаардлага хангаагүй этгээд томилогдохгүй байх нөхцөлийг бүрдүүлэх", "ашиг сонирхлын зөрчлөөс ангид байж нийтийн албанд итгэх иргэдийн итгэлийг нэмэгдүүлэх", "авлига, албан тушаалын гэмт харгийн хариуцлага гарцаагүй байх" зарчмыг хангах үүднээс авлига, албан тушаалын гэмт хэрэгт холбогдсон этгээдийг нийтийн албанаас шүүрдэн цэвэрлэх, төрийн алба, төрийн өмчийг "шимэгчид"-ээс салгах.

Хамрах хүрээ: Сум, байгууллага /аймгийн Засаг даргын эрхлэх асуудлын хүрээний агентлаг/

Хугацаа: 2023 оны 03 дугаар сарын 30-ны өдрөөс 04 дүгээр сарын 05-ны өдөр хүртэл

Шалгалтын чиглэл:

1. Төрийн албаны тухай хуульд заасан төрийн жинхэнэ албан хаагчид тавигдах нийтлэг болон тусгай шаардлагыг хангаагүй, албан тушаалын тодорхойлолтод заасан мэргэжил, мэргэшил, ур чадварын шаардлагыг хангаагүй, дүйцүүлэн тооцох журам зөрчин томилогдсон.
2. Төрийн улс төрийн, төрийн тусгай, төрийн үйлчилгээний албан тушаалд хууль тогтоомжоор тогтоосон тусгай шаардлагыг хангаагүй томилогдсон;
3. Төрийн жинхэнэ албан тушаалд ерөнхий болон тусгай шалгалт өгөхгүй, тэнцээгүй томилогдсон Төрийн албаны тухай хууль, уг хуулийг дагаж гарсан дүрэм, журмыг зөрчиж томилогдсон;
4. Төрийн болон орон нутгийн өмчийн тухай хуулийн 18 дугаар зүйлд заасан шаардлагыг хангаагүй, түүнчлэн тухайн төрийн өмчит болон төрийн өмчийн оролцоотой компани, улсын үйлдвэрийн газрын дүрмээр тогтоосон журмын дагуу

2.

томилогдоогүй, ажил үүргийн тодорхойлолтод заасан мэргэжил, мэргэшил, ур чадварын болон бусад шаардлагыг хангаагүй томилогдсон;

5.Хуульд заасны дагуу байгуулагдан ажиллаж байгаа хороо, зөвлөл, зохицуулах зөвлөлийн орон тооны албан тушаалд тухайн хуулиар тогтоосон шаардлагыг хангаагүй томилогдсон;

6.Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуульд заасан "Хувийн ашиг сонирхлын урьдчилсан мэдүүлэг"-ийг Авлигатай тэмцэх газраар хянуулаагүй ' томилогдсон, хөрөнгө орлогоо мэдүүлэх үүргээ биелүүлээгүй;

7.Авлигатай тэмцэх газраас ашиг сонирхлын зөрчилтэй гэж тогтоосон ч төрийн албанд томилогдсон;

8.Хуулиар тогтоосон хязгаарлалтыг зөрчин томилогдсон томилох эрх бүхий албан тушаалтны хамаарал бүхий этгээд;

9. Нийтийн албан тушаалтны удирдах болон харьяалах, зохицуулалтад шууд хамаарах салбарт түүний хамаарал бүхий этгээд ашиг олох зорилгоор үйл ажиллагаа явуулдаг, энэ байдал нь давуу байдал үүсгэхүйц нөхцөл үүсгэсэн этгээд;

10.Авлига, албан тушаалын гэмт хэрэгт ял шийтгүүлсэн;

11. Төрийн албан хаагчийн ёс зүйн дүрэм, нийтлэг хэм хэмжээг удаа дараа зөрчсөн нь эрх бүхий этгээдийн шийдвэрээр тогтоогдсон.

Хууль тогтоомж зөрчсөн үйлдэл, шийдвэр бүрийг өөрийн эрхэлсэн салбар, байгууллага, нэгж бүрд шалган тогтоож, дүнг нэгтгэж 2023 оны 04 дүгээр сарын 10-ны өдрийн дотор Засгийн газрын Хэрэг эрхлэх газарт хүргүүлэх.